

Arkiv: FE-146
JournalpostID: 20/4637
Saksbehandlar: Line Merete Valle
Dato: 27.01.2020

Saksframlegg

Saksnr.	Utvalg	Møtedato
003/20	Utval for næringutvikling og drift	05.02.2020
004/20	Alver kommunestyre	20.02.2020
	Alver kommunestyre	

Felles VA-norm for Alver kommune

Vedlegg i saken:

28.01.2020 VA - norm Alver

1344968

Rådmannen sitt framlegg til vedtak:

Kommunestyret godkjenner VA-norm for Alver slik den ligg føre i saka. Den godkjende VA-norma skal leggjast til grunn ved all utbygging.

Utval for næringutvikling og drift 05.02.2020:

Behandling:

Avdelingsleiar Samferdsle, veg og VA, Arne Helgesen, orienterte om VA-planen.

Utvalet vedtok rådmannen sitt framlegg til vedtak.

ND- 003/20 Vedtak:

Kommunestyret godkjenner VA-norm for Alver slik den ligg føre i saka. Den godkjende VA-norma skal leggjast til grunn ved all utbygging.

Alver kommunestyre 20.02.2020:

Behandling:

Framlegg frå Ø.Oddekalv-AP:

Saken vert utsatt.

Framlegget vart samrøystes vedteke.

KO- 004/20 Vedtak:

Saken er utsatt.

Politisk handsaming

Saka skal til innstilling i Utval for Næringsutvikling og drift

Saka skal avgjerast i Kommunestyret

Bakgrunn

For å kunne sikra god kvalitet på nyanlegg og reetablering av eksisterande infrastruktur innanfor vatn og avløp er det naudsynt at Alver kommune arbeider etter ein felles standard. Framlagt VA-norm for Alver kommune er eit dokument som syner korleis tekniske anlegg og infrastruktur for vatn og avløp skal opparbeidast. Norma vil gjelde alle offentlege anlegg innanfor vatn og avløp i kommunen. Norma vert lagt til grunn ved handsaming av søknader om tiltak i kommunen og vil såleis vere eit styrande dokument både for administrasjonen i kommunen, men også for tiltakshavarar og leverandørar i marknaden.

Saksopplysninger:

VA-norma for regionen vår var eit samarbeidsprosjekt mellom Lindås, Radøy, Meland, Askøy, Austrheim, Austevoll, Fjell, Sund, Øygarden og Os kommunar. Arbeidet starta opp rundt 2011. I ettertid har også Osterøy kommune komme med i samarbeidet. Samarbeidsprosjektet VA-norm vart utarbeid og koordinert av interesseorganisasjonen Dihva (Driftsassistansen i Hordaland - Vann og Avløp IKS) og representantar frå dei ulike kommunane som var med i prosjektet. Dihva er eigd av 29 kommunar i Vestland og Rogaland.

Samarbeidet om ei felles VA-norm for regionen vart slutført i desember 2013 og vart politisk godkjent i tidlegare Lindås Kommune ved årsskifte 2013/14. Tidlegare Meland Kommune og tidlegare Radøy kommune har også godkjent norma. VA-norma er utarbeid som ein standardnorm for heile landet. Norsk Vann som er interesseorganisasjon for alle kommunar i Norge har utarbeidd denne felles norma.

Av naturlege årsaker vil det vere naudsynt å gjere lokale tilpassingar ut frå standarden som Norsk Vann har tilrådd. I samarbeidsprosjektet mellom Nordhordlandskommunane, prøvde ein gjere lokale tilpassingar så like som mogeleg. Det vil likevel vere ein del ulikskapar mellom kommunane. Eit eksempel på dette kan vere val av materiell/kvalitetar på materiell. Tidlegare Lindås og Meland si norm var tilnærma identisk. Tidlegare Radøy kommune har ikkje i same grad gjort lokale tilpassingar i norma.

Det har vore viktig at VA-norma er godt kjent for innbyggjarane. Den har lagt tilgjengeleg på nettsidene til kommunane dei seinaste åra. VA-norma skal vere tilgjengleg på nett i Alver kommune. Link vert lagt under fana «Vatn og avløp – Regelverk» på heimesida til kommunen.

Når ein skal utarbeide og tilpasse VA-norm for Alver Kommune, vil dette gjerast med utgangspunkt i tidlegare Lindås og Meland si norm. Sett i høve til tidlegare Radøy kommune si norm, vil den nye felles norma innehalde vesentlege endringar. Endringane omhandlar for ein stor del plankrav; VA-

rammeplan før godkjenning av reguleringsplan og teknisk detaljplan før igangsetting av tiltak. Det er også forskjell på krav om tilknytning av private stikkleidningar og type avløpspumpestasjon.

Det er viktig at vi får på plass ei VA norm for Alver Kommune og at denne vert gjort tilgjengeleg på nett for alle. Godkjent VA-norm skal liggje til grunn ved all utbygging i Alver kommune. Dette for å sikre god kvalitet på planlagt og utført arbeid både for kommunen sine egne prosjekt og andre tiltakshavarar som bygger anlegg i kommunen. Ei felles norm gjer føreseielege tilhøve for rådgjevarar, leverandørar og marknad. Me sikrar også at sakshandsaming vert enklare - til beste for innbyggjarane. Me sikrar at dei ferdige anlegga har ein slik kvalitet at dei kan overtakast og driftast av kommunen dersom dette er ønskeleg.